



Kat. Komp.

21723

III

Mag. St. Dr.

P

ncisus


Martinus Pauli Clangor tubarum

geralis.

PANEG. et VITAE

Polon. Fol.

№ 1050.



CLANGOR
TVBARVM FERALIS,

LAVREATO HEROI,
Nunquam moriturae Gloriae Imagini,

DOCTORVM GEMMAE,

Mentium Eruditarum Pretio

& singulari Coronamento;

PERILLVSTRI olim CLARISSIMO ET ADMODVM REVERENDO D.

D.M. FRANCISCO

DE PRZEWOZKI

PRZEWOZKI

Sacrae Theologiae Doctore & Pro-
fessori, Ecclesiae Collegatae Sancti Flo-
riani Praeposito, Canonizationis Bea-

ti IOANNIS CANTII Pro-

curatori, S. R. M. Secretario &c:

ULTIMUM VALE

In Celebri & praecleara SS. TRINITATIS

Basilica, Candidissimi Ordinis PP. Praedi-

catorum Metropoleos Regni Poloniarum,

RECINENS;



devoto calamo

affectus in Patrem pientissimi ergo

M. MATHIA PAVLO CELEIOWICZ,

*Philosophiae Doctore, interea in Collegio Vladislaviano Novodvorsciano Studij
Generalis Cracoviensis Dialectices Professore, Contubernij Sishniani Senio-
re, Sacrae Regiae Majestatis Secretario.*

EXPRESSVS

Anno Domini 1701. Die 28. Maij.

CRACOVIAE 72.

PERILLVSTRI, ILLVSTRI,
CLARISSIMIS, EXCELLENTISSIMIS,

& Admodum Reverendis Dominis,

D. M. ANDREÆ KRVPECKI,

V. I. Doctori & Profefiori, Ecclesiarum, Collegiatæ, SS. Omnium Custodi; Parochialis, Luborzycen: Curato; Contubernij Philosophorum Provisori &c.

D. THOMÆ PRZEWOŒKI,

Equiti Polono;

D. M. IOANNI GRVMECKI,

Philosophiæ Doctori & Profefiori, Collegæ Minori, Ecclesiæ Parochialis Ibramovicensis Curato, S. R. M. Secretario &c:

Voluntatis Vltimæ Pientissimis

E X E C V T O R I B V S

Author S. & P.



Iam sidus è conspectibus nostris abit,
Iam Lucis immensæ condit jubar suum;
Iam Lampadem claro micantem lumine

Ploratibus Nostris pijs extinguimus,
Et fati's haud unquam dolendum; lacrymis
Cadentibus lavamus Illustrem virum;
Quem mille gaudijs Genitrix Inclyta
Servare gestiret, perennitatibus.

Vestro super sinu, scientijs Caput
Sublime componens, graves doloribus
Causas tulit Vobis: in æternam suos
Claudens ocellos noctem acutos, intimas
Fibras recludens pectoris, tumq; abditos
Mentis recessus explicans, & vltimum
Vale perorans, Sacratissortem suam
Negotijs dedit locandam, **MENTIIBVS,**
Quæ fulcra sunt Craci] Lyçæi grandia.

Vivet proinde seculis perennibus,

Vestris adauctus gloriæ proventibus,
Solatium magni doloris consecrans
Votis parem affectum, suamq; gloriam,
Quæ, juncta, vos, servabit æternis diu
Annis, **SECVNDOS, INCLYTOS, FAVSTOS, PIOS**

BIBLIOTH. UNIV.



JAGIELLOVICZ

CLANGOR TVBARVM FERALIS.

Murmura densa boant, sævi stridentq; tumultus;
Vocibus horrificis totus compellitur æther;
Insolitos motus imo sub pectore miscens;
Plebs clamosa gemit querulo prostrata dolore;
Luctibus & moestis tranquilla silentia ferre
Clangori satagens; causas cûi dicere tristis,
Debeat illa metûs? Marti ne? feræ ne Sorori?
Ignorat. Mens namq; mali præcoce recentis
Labitur accessu. Quæ tanta licentia moesti
Fit Litui! vel quo metuendo Numine tantus
It strepitus cœlo? Laurus qui sternit opacas,
Germen Apollineum gemino spoliâtq; decore!
Percensent mortale genus, majora fovendo
Mentibus in tacitis: cœlum jam fortè fragore
Lapsurum sperant, si, quò, per longa venustæ
Aonides tacitè gradiendo silentia tendunt;
Ac ubi fatidicæ pendent redolentia ferta
Arboris; Augusti nunc hæc Fastigia Tecti,
Atro foedantur squallore strepuntq; boatu.
Hoc cecidere Duces Summi Clangore vocati;
Hoc Lituo stratus Proles invicta Philippi
Pellæus juvenis, cujus manus hæc Orientem
Hesperios fines predebant altera felix.
Hæc Tuba fulmineum pectus prostravit Iuli
Quod rigidus Mavors cœca sub grandine teli
Servarat tutum: Spes hœc fidissima Teueram
Armipotens Hector, Danaûm Timor, ardua Trojæ
Turris, & indomitus Trojæ Populator Achilles;
Hœc cecidit, quodcunq; fuit memorabile nomen,
Hœc Reges, Populiq; Duces, ac agmina vulgi
In momenta cadunt Lituo; nec sufficit unquam.
Hæc ubi cum gemitu dixerunt Turba, dolore,
Luctibus atq; pijs lacerant præcordia: tanti
Præscia Mula mali, causas expromere dictis
Flebilibus cupiens, fundit pennâ hæcce dolente:
Infandos Libitina diens sub pectore luctus
Non mundo toti, populis non noxia cunctis
Est, sed crudeli sapientes vulnerat ictu.
Nam tulit ipsa pedem sacrata per ostia Phœbi,
Aurea Gemma Virum, Doctorum Germen, & altum

Decidit unde Decus, viduantur Numine Musæ,
Delicij; sui patientes noxia damna,
Exanimi vultus niveos pinguntur & atro
Vnde colore genas! cecidit sub viscera terræ
Amnis Castalius, tristis venit undiq; rebus
Et facies; PRZEVOSCIUS Inclyta Gloria quando
Astrorum flammæ radiantem condidit inter
Vsq; caput. Monstrum truculentum, pallida Lethes
Vmbra? quid! o Libitina facis? quid murmure tanto
Corda hominum misces! Lituorum quod Tibi tantum
Inflandi studium! quis recreat impiger iste
Teq; labor! furor iste quis est! quæ tanta cupido
Nomina Dictynnæ capiendi hominemq; novandi!
O Parcæ! quas nulla movent promissa, nec ullus
Flectit honos! Regum Diademata, Sceptra, Coronas
Herculeasq; Ducum Clavas, quæ vindice dextra
Quassatis, casti Musæi gaudia festa
Cur rapitis nobis FRANCISCVM! Gratia sedis
Æthereæ Cui Orbe super non mille trophæa
Construxit, nomenq; dedit fuscum spatiosos
Orbis in anfractus: non immortale cupivit
Namq; nihil, socium sibi sed quod volveret œvum,
Illius vitæ simulac aurora reluxit,
Et Lucina Parens expandit lampada cœli,
Heroum Sanguis meritorum luce coruscus,
Numinis auxilio par summis, pectora sacro
In se cunctorum felix rapiebat amore,
Ad Cunas placidas Heliconis Numina Pulcher
Cynthius Ille velut certatim dulcè trahebat:
Munera quæq; suis cum votis sponte ferebant
Afflando, monumentaq; gesta; clara Virorum
Et Tragicum Comicumq; melos, cantumq; dolentem;
Et Tybiæ Cytharæq; modum, motumq; supernum
Astrorum, Solisq; vias, Lunæq; recessus,
Et decus omne poli callere dabant. Redimitus
Frondebis ergò sacris Cracias cum tendit ad Ædes
Delius ecce Augur, splendens Latonia Proles
Sede sua motus, tantis splendoribus auctum
Suscipit & binas componit vertice Vittas,
Perq; Sophum magnis illustrem dotibus altas
Fert Cathedras, ubi semper ovat, gestitq; triumphans
Corda Virum, placidos sinuans PRZEVOSCIUS arcus
Iam Lechicum Litavumq; polum, terrasq; patentes
Nomine complevit, se major, sole sub uno
Nectere triste moras ducens, toties rutilante
Murice conspicuus, Nexus & Dogmata solvens
Ardua, Dux, Præsesq; Sophum, Scrutator & alti
Cœlorum cursus, Latias contendit in oras.
En gemina Lauri renitentem Roma salutans
Suscipit, & Craciæ magnum Decus Urbis abundis

Plausibus exambit: Phœbeis artibus aprum
Præonia Lauru gaudendo ritè coronat.
Ternio gemmatæ Frondis, cum luce serena
Candidior frontem niveam jam cinxerat, ipsiùs
Sectator Solis: Perfectus lumine tanto,
Majestate nova Cracias decorare Camœnas
Quis quando potuit magè? quis geminare perenne
Et decus, & famam? quàm tunc PRZEVOSCIUS altis
Nominibus magnus, terna Lauruq; coruscans;
Qui simulac illustre suum Caput intulit, ecce
Augustale Virum Geminum, Molesq; superba
Tectorum, quàm dulcè colunt implentq; Cohortes
Castalidum, gavisâ novo super Hospite, votis
Turgere incepit pia præ se & gaudia ferre,
Quèis stimulos Magni reditùs dedit Hospitis; ipsa
Pectora lætitiâ valuerunt nonve tenere:
Ille sed indulgens pallenti grandè labori
Solers, perpetuò præclara volumina volvens,
Tempore, dum tremulo radiaret lumine Phœbus,
Vel nox ardentis velaret gaudia lucis
Deformes tenebras perone per atria tecti
Aërij fundente, suus divinus funderet almos
Vt radios animus, momenta insomnia duxit.

Hinc Ostrum rutilum duri monumenta laboris
Exhibuit Latijs terris, dum nomina magna
Dulcibus arcana manabant fontibus artis
Præside FRANCISCO, Qui largos fronte serena,
Sudores sparsit, rorando viventia Laurùs.

Irrequieta manet mens, in qua gloria pingui
Fomite conflagrat: sic Tu dulcedine magna
Laudis inardebas, & Posnæ notus, & omni
Telluri, quam cornipotens Taurus, Venus atq;
Sideribus faustis funesto à Marte tuentur.

Cœlorum cursùs minimè speculator in ipsis
Codicibus mersus pandebas abdita cursùs
Prodigiò magnò; sed missam sede superna
Cœlorum, invitus, sumpsisti ritè Coronam.
Namq; DEI Mystes, mysteria sacra profundo
Ore loquens, Doctor Divinus, quæ plaga stellans
Mentibus Angelicis liquit, Tu mente revolvens
Felici, stimulos arcana agitare polorum
Ipse dabas teneris animis; donec pia vota
Concordi placito Patrum Tibi præmia largi
Sudoris, Laurum supremam sponte tulissent,
Doctorem magnum clarè penetrabilia rerum
Pendentem castâ cinxissent Fronde Magistrum.

Conspicuis ne novo tanto splendore fuisti
Splendor an à claro capiebat vertice celsum
Et decus & nomen? spatiosa in secla perenne
Scire nefas. Doctor nam Compita sacra Virorum

In quæis increscit Divina Scientia magno
Augmento, validis rationibus vsq; sonabant,
Vt Tuba cum Litui svevit miscere fragorem
Horrenda Æolij surgente per æthera vastum
Tempestate Patris, confusos ingeniorum
Linguarumq; modos Tu felix ore trahebas
In speciem veri. Seu ut post nubila dulcis
Cæsariem obryzo Phœbus fulgentior adfert,
Cuncti sic animi radiabant luce serena,
Te spargente diem doctrinæ publicæ & altæ.
Quis non continuas pro Te rutilantibus aris
Fundebat justasq; preces, ut nomine cunctas
Impleres terras AVGVSTINI ore tonando!
Non impensa precum fuit irrita: sustulit alas
Nuntia fama boni festiva voce soluta:
Nam Te Augustinum; nomen celebravit & ingens,

Grato quam Charites cinxerunt munere, quamve
Delicias Patriæ Coeli fecere faventes,
Mille DEI celsæ Domui solatia præstans
FASCIA, Præsuleum Decus, Inclyta Gloria nostræ
Telluris, Patriæ connectens vulnera nexu,
Ecce MALACHOVII sic strinxit pectora Magni,
FRANCISCI Cracijs Censorem ut poneret oris
Quas sibi concedidit DEVS & Romana potestas.
Non potuit melius provincia tanta laboris
Quam celsisse Viro, qui libris pastus abundè
Libros iustravit, claræ luci; dicavit.

O ardens o magne labor! qui præmia serâ
Posteritate viro dignissima progenerâsti.
Regia Sacra Iovis rutilans cœlestis & Aula
Magna coronato con munera ferre labori
Actutum statuit, Fasces & Regia Sceptra
Munera Rectoris felici contulit Illi.
O fortunatos protunc Soles Academi!
Quos sine nube dedit FRANCISCI industria magna,
Et sudor stillans & semper fulminis experts
Froncenti Lauro cinctum Caput, ignea semper
Fulmina contemnens: quas Istula spumifer amnis,
Saxifragos glomerans fluctus in gurgite vasto
Efficit insignes vario splendore colorum
Najades, Triton quæis monstrat littore saltus
Primœvos, ubi magna cohors felice juvena
Resplendet, densæ cum nubes incubuere,
Deliciasq; soli tenebris offundere crassis
Sunt nisæ, Magnus PRZEWOSCIUS ut tulit altum
Aurea Sceptra, manûs fulgens gestamen eburnæ,
Iupiter ecce velut, cum moti prælia sedat
Aëris, ad votum molimina cuncta fugavit.
Quid memorem! Vindex observantissimus æqui;
Alter quæ Confus fecit, vel quæ bona Matri

Ille avulsa pridem iunxit, bona propria spargens;
Istud nam tenuis superat molimina vatis.

Dedecus est multis fortuna vetus, Decus illi
Parturiit; magnis nam nidum dotibus auxit.
Famæ concelebris nimium monumenta loquantur
Ædes Divorum crebro splendore micantes,
Quas fervor, Zelusq; pius, quas dextera larga
Ornavit, magnumq; decus Sacris dedit aris.
Sidus inextinctum cœlestibus ignibus ardens,
Irradians Lumen pretiosior Vnio Regni,
Cœlorum Munus non Ponti, Gemma Togatæ
Gentis, Sarmatico sub cœlo Phœbus & alter,
Palmas victrices & pacis præmia gignens
Doctis in lucis, Lux unica CANTIVS à tot
Sœclorum priscis decursibus Gratia, plebis
Patronus miseræ, Nobis Laus Magna IOANNES,
Curarum impensis FRANCISCI Romula in Vrbe
Inter Cœlicolas ut splendeat, atq; Beatus
Nomina Sanctorum Sacris det cœtibus, ætæ.

Hic, quantas precibus grates, & munera coram
Majestate DEI referat Solennis honoris
Sincero Promotori? iam Manibus adsunt
Nunc manifesta pijs, capiunt quos Limina Divum.

Magnificum Templum, quod nunc suspensa stupefcit
Aëre in excelso pupilla Dei Genitricis
Matri Sacratum, per Te FRANCISCE profunda
Fundamenta tulit, quæis tantum nititur, & tam
Nobile opus, moles superans & fana triformis
Dianæ clarum Herostrati crimen, & altas
Ædes Isacidum, miracula tum Babylonis.
Consilio felix, sed viribus ægra senectus
Cum venerit, magno festivum traxit honore
Te nobis memoranda Florentia, præposuitq;
Ædibus in Sacris FLORIANI, candida tunc Te
FLORA SINU complexa suo. Nam Lilia raræ
Virtutis tanta poscebant laude coronam.
Irradiare potens quam Limina sacra fuisti
LVNA FORIS, tristis defectus impatiens Sol
Intra; jucundus SANI FLVOR, intima cordis
Humani refovens, animarum maxima salus.
Heu! quam sæva nimis, violenta & barbara mortis
Asperitas! homines in tristia funera torquens!
Te super, immensam rabiem scenâ intulit ægrâ
Tam seclî Florem moerentibus germine multo
Obtutibus rapiens, niveo viduansq; decore.
O violenta manus Parcarum! nescia flecti!
O præceps rabies! lantias quam pectora nostrum
Vulnifico ferrô, lacrymas cum sanguine fundens,
Quando Medulla Virum, clarus Sapiientis Ocellus,
Princeps, exemplar, Splendorq; perennis in ævum

Omne micans, lumen sparfurus, luce serena
lungitur æthereâ, Caput inter sidera condens;
Lætitiaq; dies in tristis nubila scenæ
Convertens, oculis lacrymas nunc exprimit udas.

Sectantur, moestoq; premunt vestigia passu
Turba novena, Deæ Parnalsi sacra colentes,
Luctibus immensis tenera & præcordia torquent.
Ordinibus magnis justo comitantur honore,
Tristi parentantes frondenti Turba Togata
Lauru conspicui, sua quivis pectora pulsans
Questibus assiduis, & fati vulnera portans
Corde super medio, supressis vocibus Orbem
Implens, insolitos renovat sibi sponte dolores,
Et tacito affectus istos sub pectore versat:
O miserum mortale genus! quàm secla caduca
Præcipites agitant casus! quàm fata tumultu
Eripiunt animas magno! qui clarus honore
Illustri, Cracio fulgebat macte Trione.

Quem in sublime tulit virtus præcelsa Dijsq;
A quavit, nunc Magne jaces FRANCISCE, Tuumq;
Effertur sine voce Caput, quò pulchrius ullum
Doctius aut fuerat nunquam; sublime cothurno
Cecropio stringens animos, & pectora mulcens,
Nectaream linguam quæ tanta catena ligavit
Marmore nunc gelido magis algeat unde!
Immorior tristiq; Tuo tumulo infero moesti
Ima medullarum cordis: nec vivere dulce
Te sine languenti, nec longos ducere Soles,
Sol quando faciem rutilantem nube profinas.
Fletibus his mea Musa chelym mergens Rodopæjam,
Et memorans altis lacrymis pristina doloris
Quæ cecinit plaudente polo, terraq; lugente,
Moerenti lambo; dum Gratia mira IOANNES
Æternum in somnum concludens lumina casta;
Ille Virum Phæbus, MICHALSKI, fulgida Concha,
Et pretium & Decus omne sui, post ultima fata
Te orbi monstraret, languenti pollice nervos
Et querulam cytharam pulsar; cum Clangor in altum
It Litui, mediò cœlò versantur honores
Illustris FRANCISCI, Fama expandit & alas,
Cælitibus crescit jucundum deliciarum
Augmentum reduente sibi tam Prole suavi.
Cedite nunc statione extrema, cedite Manes,
Et Vestros iterate Lares, sublimia Tecta;
Cernite res Arctoi Orbis de Vertice celso:
Nunc Regni causas, nunc justo Iudice coram
Nunc agitate simul Genitricis, quæ ubere casto
FRANCISCVM fovit, lacrymis & proluit udis.
Hinc Amor in Superos, cum Speq; Fideq; perenni
Expansis animam manibus capiendõ; remissæ

Dant voci responsa meæ: qua parte beati
 Confedere Manes, Cracius quâ defluit amnis,
 Hæc medius rutilas inter clarescere flammæ
 Desinet haud unquam FRANCISCVS, maxima terris
 Nomina linquendo, Virtutum ac agmina multa.
 Hærebit cunctis nunquam mortalibus annis,
 In Lechico Lithavôq; solo sic Marte secundus
 Et felix acie, grandes ut vulnere labes
 Præsentet scævæ Bellonæ signa relicta,
 Non tamen in medio quando procumberet igne
 THOMAS PRZEWOSKI germano Sanguine satus,
 Agmina Turcarum Hic violentos atq; Gelonos
 Fulmineo mucrone secans, spumante cruore,
 Hostibus in medijs semper confundere dextrâ
 Prælia contendens, lethales sustulit ictus,
 Non tamen in lethum concessit, signa sed usq;
 Corpore sub toto monstrat victore: quis ardor?
 Quod fuit & studium belli? quàm Patria dulcis!
 Pro qua mille neces sprevit totidemq; periëla
 Ostendit quantus pro Troja sisteret Hector.

Spiritus at Divûm precibus qui tempora multa
 Impendit, lassumq; diu titubante senecta
 Rexerat hîc corpus, jam celsa regnat in auge,
 Quâ DEVS Omnipotens Sanctorum & Sacra Corona
 Æternûm sine fine suam diffundere lucem
 Desinet haud usquam, Cracijs tristissimus iste
 Mœror, & indomitus CLANGOR faustissima Musis
 Scëla feret nunquamve sinet deesse Coronas.

I N S C R I P T I O

Sepulchralis Lapidis.

Tarda gradum quisquis præteris,
 Mutum Marmor, sed vocale sum:
 Ejus, quem tego Fama per me loquitur;
 &, qui mē tegitur, Tibi simillimus antè,
 nunc umbra hominis, non homo.

Perillustri olim Clarissimo & Admodum Reverendissimo Dominus,

D. M. FRANCISCVS PRZEWOSKI

Sacræ The: Doct: & Professor, Ecclesiæ Collegiatae S. Floria-
 ni Præpositus, Canonizationis B. IOANNIS CANTII Pro-
 curator, Sacræ Regiæ Maiestatis Secretarius &c.

Quàm magnum est, organorum nesciis corporibus organa dare,
 & elinguem lapidem vocalem facere &
 hinc disce:

Vixit mundo,

nam non mundanus, sed cœlestis, & polo mentem fixã gerens;

Naturam, non scrutatus tantùm, sed salvavit:

Medicus corporis magnus, major animæ esse voluit:

dum, Theologus tam illustris quàm ingeniosus factus est.

Omnium majestatem Scientiarum unum cepisse caput mirare,

Tam majestuosum Scientiarum Augustale

unius decolatum falcis icu, mœreas.

Ita, parcendi nesciæ Parcæ, secutæ, quô scœva deduxit manus,

& Musicæ incumbere volentes

immani gutture Tubas Gentilitias inflârunt,

ut, pari impetu Clangorem & Corpus marmori alliderent.

Feralis character oculos, fremitus dum aures Tuas ferit;

cor pungat, necessum.

Nam tristem urnam commune mortalium lucrum esse docet.

Hæc dum dolendo legis,

Gemitibus impleto terras,

& devotis precibus cœlo inferens Manes

Similia præstolare,



PERMISSV
MAGNIFICI DOMINI
RECTORIS.

Biblioteka Jagiellońska



stdr0024078

